

**Váldostivra****Áigi** 06.03.2023 dmu 13:00 - 14:45**Báiki** Gielddadállu, váldostivrra čoahkkinsále**Gieđahallon áššit**

<b>§</b>	<b>Bajilčála</b>	<b>Siidu</b>
6	Lágalašvuohta ja mearridanváldi	4
7	Beavdegirjedárkkisteaddjiid válljen	5
8	Bargoortnega dohkkeheapmi	6
9	Čuvgehusuoavda-rektora virgenamahusa ja gelbbolašvuodaeavttuid rievdadeapmi sihke virggi deavdin	7
10	Gielddainšenevrra virggi vuodđudeapmi	11
11	Ohcejoga luossaguovddáš -čielggadusa álggaheapmi	14
12	Ohcejoga Master Plan -projeavtta ohcan	18
13	Lassemearreruhta Sami Game Jam -projektii	21
14	SámiSoster Rs bivdda searvvi doaimma doarjumis	23
15	Kohtaamisilla hyvinvointia 2- Ohcejoga skuvlanuoraidbargu -projeakta	25
16	Áššit diehtun	27

**Oasseváldit**

Mielde	Namma	Dmu	Bargu	Lassedieđut
	Tapiola Uula	13:00 - 14:45	Váldostivrra ságadoalli	
	Lukkari Sammol	13:00 - 14:45	Váldostivrra I várreságadoalli	
	Aikio Mika	13:00 - 14:45	Váldostivrra II várreságadoalli	
	Ahlakorpi Anni	13:00 - 14:45	Áirras	
	Guttorm Urho	13:00 - 14:45	Áirras	
	Guttorm Väinö	13:00 - 14:45	Áirras	
	Jaatinen Eeva	13:00 - 14:45	Áirras	
	Konttinen Pirjo	13:00 - 14:45	Áirras	
	Kordelin Marjatta	13:00 - 14:45	Áirras	
	Länsman Vesa	13:00 - 14:45	Áirras	
	Pohjanrinne Arto	13:00 - 14:45	Áirras	
	Tapiola Ilmari	13:00 - 14:45	Áirras	
	Holmberg Aslak	13:00 - 14:45	Várreáirras	
	Nousuniemi Jouni Esa	13:00 - 14:45	Várreáirras	
	Porsanger Veikko	13:00 - 14:45	Várreáirras	
Eret	Laiti Niila		Áirras	
	Manninen Ismo		Áirras	
	Niittyvuopio-Valle Laura		Áirras	
Eará	Pieski Taina	13:00 - 14:45	Gielddahoavda	
	Lepistö Tanja	13:00 - 14:45	Eallinfápmohoavda	
	Tapiola-Länsman Kaisa	13:00 - 14:45	vs. čuvgehushoavda	
	Länsman Marja	13:00 - 14:45	Beavdegirjedoalli	
	Aikio Leena	13:00 - 14:45	Tulka	

**Vuolláičállosat**Uula Tapiola  
ságadoalliMarja Länsman  
beavdegirjedoalli**Giedahallon áššit**

6 - 16

**Beavdegirjji dárkkisteapmi**

Dárkkistanáigi

Marjatta Kordelin

Mika Aikio

**Beavdegirji lea dollojuvvon albmosis**

Gielldadállu, guovddášdoaimmahat 17.03.2023

Minna Lukkari  
almmuhantávvala dikšu

---

Lágalašvuohta ja mearridanváldi

Váld 06.03.2023 § 6

Váldostivrra čoahkkinbovdehus lea sáddejuvvon áirasiidda, gielddaráđđehusa ságadoallái, gielddahovdii ja gielddaráđđehusa lahtuide 27.2.2023. Čoahkkinbovdehus lea seamma beavve biddjon oaidninláhkai gieldda almmuhantávvalii. Gulahus váldostivrra čoahkkimis leamašan maid Inarilainen-aviissas. Čoahkkima beavdegirji dollojuvvo oaidninláhkai 17.3.2023.

**Mearrádus:**

Gávnnahuvvui ahte čoahkkin lea lágalaččat čoahkkái bovdejuvvon ja lahttomeari ektui mearridanválddálaš.

Nammačuorvumis ledje mielde 12 áirasa ja 3 várreáirasa. Nammačuorvunlogahallan čuovusin nr 1. Gávnnahuvvui ahte Suoma Guovddášbellodaga áirras Laura Niittyvuopio-Valle lei almmuhan eastaga čoahkkimii oassálastimii. Sutnje lei bovdejuvvon várrelahtun Suoma Guovddášbellodaga ja Suoma Ruottelaš Álbmotbellodaga válgalihtu 4. várreáirras Jouni Esa Nousuniemi. Suoma Sosiálademokrátalaš Bellodaga áirras Niila Laiti lei almmuhan eastaga čoahkkimii oassálastimii. Sutnje lei bovdejuvvon várrelahtun Suoma Sosiálademokrátalaš Bellodaga ja Gurutlihtu válgalihtu 1. várreáirras Aslak Holmberg. Vuodđosuopmelaččaid áirras Ismo Manninen lei almmuhan eastaga čoahkkimii oassálastimii. Sutnje lei bovdejuvvon várrelahtun Vuodđosuopmelaččaid, Álbmotlaš Olgešbellodaga ja Suoma Kristtalašdemokrátaid válgalihtu 1. várreáirras Veikko Porsanger.

Čuvvosat

Čuovus Nammačuorvunlogahallan § 6  
1

Beavdegirji dárkkisteaddjiid válljen

Váld 06.03.2023 § 7

Váldostivrra bargoortnega mielde guđege čoahkkima várás válljejuvvojit guokte beavdegirjedárkkisteaddji.

**Mearrádus:**

Beavdegirjedárkkisteaddjin válljejuvuiga Mika Aikio ja Marjatta Kordelin.

Bargoortnega dohkkeheapmi

Váld 06.03.2023 § 8

Váldostivra dohkkeha čoahkkima áššiid gieđahallanortnega evttohuslisttu mielde.

**Mearrádus:**

Bargoortnet dohkkehuvvui evttohuslisttu mielde.

Čuvgehuslávdegoddi	§ 6	01.02.2023
Gielddaráđdehus	§ 28	20.02.2023
Váldostivra	§ 9	06.03.2023

---

Čuvgehushoavda-rektora virgenamahusa ja gelbbolašvuodaeavttuid rievdadeapmi sihke virggi deavdin

1/01.01.00/2023

Čuvglg 01.02.2023 § 6

Čuvgehushoavda-reaktor Virpi Veskonieni lea cealkán iežas eret virggistis 1.4.2023 rájes sirdásettiin nuppi gieldda virgái. Son lea dan ovdal jahkeluomus ja gielddaráđdehus lea mearridan čuvgehushoavda-rektora sadjásažžan astoáigečállli Kaisa Tapiola-Länsman 13.1.2023 rájes dassáži, go virgi lea devdojuvvon ja ođđa hoavda lea álggahan virggis.

Dálá čuvgehushoavda-rektora virgái gullet čuvgehusdoaimma jođiheapmi doaimasuorgejođiheaddjin ja Gáregasnjárgga ja Njuorggán skuvllaid ja rávesolbmuidskuvlla rektora barggut. Gelbbolašvuodaeavttut mearrašuvvet oahpahusdoaimma gelbbolašvuodagáibádusaid birra addon ásahusa 986/1998 mielde.

Ohcejoga váldostivra lea mearridan čuvgehusdoaimma organisašuvdnaođastusas 6.5.2021. Mearrádusa mielde čuvgehushoavda-rektora virggis váldojuvvojit eret Gáregasnjárgga ja Njuorggán skuvllaid rektora barggut ja čuvgehusdoaimma vuodđuduvvo ođđa rektora virgi, masa gullet Gáregasnjárgga ja Njuorggán skuvllaid rektora barggut. Rektora virggi gelbbolašvuodaeavttuid meroštallá OVBES (OVTES). Rektora giellamáhtu gáibádussan lea suoma- ja sámegiela máhttu. Seamma oktavuodas Gáregasnjárgga skuvlla veahkkerektora virgi heaittihuvvo dálá virgedoalli sirdásettiin Gáregasnjárgga skuvlla oahpaheadji virgái 1.8.2023 nu mo son ovdal lea ohcan. Njuorggán skuvllas seailu veahkkehoavda.

Váldostivrra mearrádus 6.5.2021 váidojuvvui hálddahasriektái. Davvi-Suoma hálddahasrievtti mearrádusa 1483/2022, 7.11.2022 mielde Gáregasnjárgga skuvlla veahkkerektora virggi heaittiheapmái ja organisašuvdnaođastusa ollašuttimii dán oasil eai leat eastagat. Čuvgehuslávdegoddi sáhtá bidjat Gáregasnjárgga ja Njuorggán skuvllaid rektora virggi rabas. Virgái galget gullat maid rávesolbmuidskuvlla rektora barggut, mas maid eaktuduvvo rektora gelbbolašvuodta ja sámegiela máhttu suomagiela lassin.

Go sode-bálvalusat sirdásedje buresveadjinguovllu ovddasvástádusa vuollái, gildii báhce ain dihto barggut mat laktásit gieldda olbmuid dearvasvuodta ja buresveadjima ovddideapmái, sihke boarrásiid- ja lápmásiidráđiid doaimma doarjja. Ohcejoga gielddas eai leat dát barggut vel biddjon mange hálddahasgotti ovddasvástádusa vuollái. Buresveadjima ja dearvasvuodta ovddideami barggut eai lean sierra resurserejuvvon ovddit sosiála- ja

Čuvgehuslávdegoddi	§ 6	01.02.2023
Gielddaráđdehus	§ 28	20.02.2023
Váldostivra	§ 9	06.03.2023

---

dearvasvuodadoaimmas. Gielda sáhtta ieš mealgat mearridit, makkár resurssaiguin barggut dás ovddos dikšojuvvojit ja mo ovdamearkka dihte projeaktaruhtadeapmi gažaldatvuloš doaimmas adnojuvvo ávkin.

Go čuvgehushoavdda virggis báhcet eret golbma rektordoaimma, lea lunddolaš geahčadit hoavdda virggi vuollái ovddasvástádusa eará bargguin. Gieldda doaimma dáfus lea lunddolaš laktit dáid dearvasvuoda ja buresveadjima ovddideapmái laktáseaddji bargguid čuvgehusdoaimma ovddasvástádusa vuollái, mii vástida maiddá gieldda kultur- ja astoáiggedoaimmain. Ášši gáibida gieldda hálddahunjuolggadusa ođasmahttima bargolasáhusa oasil. Dearvasvuoda ja buresveadjima ovddidanbarggut heivejit lunddolaččat čuvgehushoavdda jodihanovddasvástádusa vuollái nu mo mánggain gielddain lea mearriduvvon dahkkot.

Seammás lea vejolaš árvvoštallat, mo dán dilis gieldebargoaddi bargoveaga ja bargoburesveadjima ovddidanbargguid lea vejolašvuohta dikšut, go virgeresurssat leat váni gieldda ekonomijadili geažil, muhto bargoveaga ja bargoburesveadjima ovddideapmi lea jo jagiid áigge oidnon gielddas akuhta ovddidančuozáhahkan. Dán sivas gielddahoavda evttoha gielddaráđdehussii, ahte ođđa čuvgehushoavda gean virgenamahus rievdaduvvo buresveadjinhoavdan, vástida ja doarju ovttas gielddahoavddain maid bargoveaga ja bargoburesveadjima ovddideamis.

Evttohus gielddaráđdehussii ja váldostivrii:

1. Evttohuvvo čuvgehushoavda-rektora virgenamahus rievdaduvvot buresveadjinhoavdan, gii vástida gieldda čuvgehusdoaimma sihke buresveadjima ja dearvasvuoda ovddideami jodiheamis. Buresveadjinhoavda vástida maid bargoveaga ja bargoburesveadjima ovddideamis. Gielda sáhtta mearridit virggi gelbbolašvuoda eavttuid birra. Buresveadjinhoavdda virggi lea ulbmil bidjat rabas guovvamánus gielddaráđdehusa ja váldostivrra dahkan mearrádusaid maŋŋá.

2. Gieldda hálddahunjuolggadussii dahkkojit čuovvovaš nuppástusat čuvgehusdoaimma vástusuorgái:

- Čuvgehusdoaimma vástusuorgái lasihuvvo dearvasvuoda ja buresveadjima ovddideapmi
- Čuvgehushoavda-rektora virgenamahus rievdaduvvo čuvgehus- ja buresveadjinhoavdan

Ášši válmmaštalai gielddahoavda Taina Pieski ja vd. čuvgehushoavda-reaktor Kaisa Tapiola-Länsman.

Čuvgehuslávdegoddi	§ 6	01.02.2023
Gielddaráđdehus	§ 28	20.02.2023
Váldostivra	§ 9	06.03.2023

---

**Evttohus:**

Čuvgehuslávdegoddi merke diehtun gielddahoavdda ráhkadan válmmaštallama ja mearrádusevttohusa.

Čuvgehuslávdegoddi bivdá gielddaráđdehusas ja váldostivrras ahte rávesolbmuidskuvlla rektora barggut galget gullat vuodđudanláhkai leahkki Gáregasnjárgga ja Njuorggán skuvlla rektora bargguide, dasgo dáid osiin virggi doaibmagovva ii vástit váldostivrra dohkkehan ođđa čuvgehusdoaimma organisašuvdnaráhkadusa.

**Mearrádus:**

Mearrádus evttohusa mielde.

Gr 20.02.2023 § 28

**Evttohus:**

1. Evttohuvo váldostivrii čuvgehushoavda-rektora virgenamahus rievdaduvvot buresveadjinjoavdan, gii vástida gieldda čuvgehusdoaimma sihke buresveadjima ja dearvasvuoda ovddideami jođiheamis. Buresveadjinjoavda vástida maid bargoveaga ja bargoburesveadjima ovddideamis. Virggi gelbbolašvuoda eavttut leat: bajit allaskuvladutkkus, čuvgehusdahje buresveadjindoaimasuorggi dovdan ja doarvai buorre gielddahálddahusa ja ruhtadoalu dovdámuš. Mii atnit arvvus buriid ovttasbargo- ja gulahallandáidduid ja oainnuid bargiidovdánahttinbarggus. Sámegiela máhttu ja sámekultuvrra dovdan gehččo erenomáš ánsun.
2. Addit gielddahovdii vuoigatvuoda ráhkadit ohcanalmmuhusa váldostivrra mearrádusa maŋŋá ja álggahit ohcanproseassa .Virggi sáhtta deavdit 1.5.2023 rájes. Váldostivra dahká mearrádusa gielddaráđdehusa evttohusa vuođul.
3. Evttohit váldostivrii ahte rávesolbmuidskuvlla rektora barggut gullet ođđa Gáregasnjárgga ja Njuorggán skuvlla rektora bargguide, daningo dáid osiin virggi barggut eai vástit čuvgehusdoaimma ođđa organisašuvdnaráhkadusa, man váldostivra lea dohkkehan.
4. Gieldda hálddahusnjuolggadussii dahkkojit čuovvovaš nuppástusat:
  - Čuvgehusdoaimma vástusuorgái lasihuvvo dearvasvuoda ja buresveadjima ovdánahttin. Dát ovddasvástádus váldo eret gielddaráđdehusas.
  - Čuvgehushoavda-rektora virgenamahus rievdaduvvo buresveadjinjoavdan

**Mearrádus:**

Beavdegirjii dárkkisteaddjit:

Čuvgehuslávdegoddi	§ 6	01.02.2023
Gielddaráđdehus	§ 28	20.02.2023
Váldostivra	§ 9	06.03.2023

---

Evttohus dohkkehuvvui.

Váld 06.03.2023 § 9

### **Evttohus:**

1. Váldostivra dohkkeha čuvgehushoavda-rektora virgenamalus rievdaduvvo buresveadjinhoavdan, gii vástida gieldda čuvgehusdoaimma sihke buresveadjima ja dearvvasvuoda ovddideami jodiheamis. Buresveadjinhoavda vástida maid bargoveaga ja bargoburesveadjima ovddideamis. Virggi gelbbolašvuoda eavttut leat: bajit allaskuvladutkkus, čuvgehusdahje buresveadjindoaimasuorggi dovdan ja doarvái buorre gielddahálddaha ja ruhtadoalu dovdamuš. Mii atnit arvvus buriid ovttasbargo- ja gulahallandáidduid ja oainnuid bargiidovdánahttinbarggus. Sámegeiela máhttu ja sámekultuvrra dovdan gehččo erenomáš ánsun.
2. Addit gielddahovdii vuoigatvuoda ráhkadit ohcanalmuhusa váldostivrra mearrádusa maŋŋá ja álggahit ohcanproseassa .Virggi sáhtta deavdit 1.5.2023 rájes. Váldostivra dahká mearrádusa gielddaráđdehusa evttohusa vuodul.
3. Váldostivra dohkkeha, ahte rávesolbmuidskuvlla rektora barggut gullet ođđa Gáregasnjárgga ja Njuorggán skuvlla rektora bargguide, daningo dáid osiin virggi barggut eai vástit čuvgehusdoaimma ođđa organisašuvdnaráhkadusa, man váldostivra lea dohkkehan.
4. Gieldda hálddahasnjuolggadussii dahkkojit čuovvovaš nuppástusat:
  - Čuvgehusdoaimma vástusuorgái lasihuvvo dearvvasvuoda ja buresveadjima ovdánahttin. Dát ovddasvástádus váldo eret gielddaráđdehusas.
  - Čuvgehushoavda-rektora virgenamalus rievdaduvvo buresveadjinhoavdan

### **Mearrádus:**

Pirjo Konttinen evttohui, ahte čuoggái 1 lasihuvvo; Buresveadjinhoavda vástida maid bargoveaga bargoburesveadjima ovddideamis *gielddahoavdda doarjjan*. Marjatta Kordelin, Ilmari Tapiola ja Sammoli Lukkari guottihedje Pirjo Konttisa evttohusa. Evttohus dohkkehuvvui ovttamielalaččat.

Evttohus oktan Pirjo Konttisa evttohan lasáhusain dohkkehuvvui.

Juohkin

Gielddahoavda

Beavdegirjji dárkkisteaddjit:

Eallinfápmo- ja teknikkalaš lávdegoddi	§ 9	09.02.2023
Gielddaráđdehus	§ 37	20.02.2023
Váldostivra	§ 10	06.03.2023

---

Gielddainšenevrra virggi vuodđudeapmi

180/01.01.03/2013

Ealteklg § 9

Teknikkalaš doaibmasuorgái lea vuodđuduvvon lávdegotti mearrádusain 18.1.2022 giddodatinšenevrra doaibma, mii lea doaisttáži fámus. Teknikkalaš lávdegoddi lea válljen doibmii almmolaš ohcanmeannudeami bokte diplomainšenevra Mirja Savolainen 24.5.2022.

Giddodatinšenevra doaibmá giddodatfuolahusa ja čorgejeaddjiid hoavdan, doallá ortnegis ja ovddida gieldda giddodatopmodaga. Bargui gullet jođihit ja gilvalahttit bajásdoalu ja ortnegisdoallama projeavttaid plánema sihke bearráigeahččo- ja huksehanbarggut.

Giddodatinšenevrra bargguide gullá maid Ohcejoga gieldda oamastan giddodatoasussearvvi Ringinvatro hovden ja fitnodatjodiheaddjin doaibman. Fitnodagain lea sohppojuvvon soahpamušain, ahte fitnodatjodiheaddji bargguide geavahuvvo 25% bargoáiggis.

Lassin teknikkalaš doaibmasuorgehoavdda jođiheami vuolde lea sohpon, ahte giddodatinšenevra vástida lávvaáššiin ovtas huksendárkkisteaddjiin. Giddodatinšenevrra bargguide gullá maid daid áššiid válmmaštallan, mat gusket jođáhagaid, geahppa johtolaga ja almmolaš olgodaddanguovlluid.

Teknikkalaš doaimma bargguid oassálas ođđasit ordnedemiid geažil maid giddodatinšenevrra doaibmagova lea dárbu ođasmahttit čuovvovaččat:

1. Bargonamahusa rievdadeapmi gielddainšenevran. Láhka giddodatinšenevrra bargguin meroštallá gielddas doaibmi giddodatinšenevrra láhkageatnegahtton bargguid, mat laktásit stuorrát eanamihtideapmái ja eará bargguide, mat eai gula Ohcejoga giddodatinšenevrra bargguide. Bargonamahusa lea buorre rievdadit, amaset šaddat boastoáddejumit. Mánnggain eará gielddain Ohcejoga giddodatinšenevrra ovddasvástádusa vuollái gullelaš bargguin vástida gieldda/gávpotinšenevra.
2. Doaimma rievdadeapmi virgin. Giddodatinšenevra geavaha barggustis maid almmolaš eiseváldedoaimbaválldi, man sáhtá lága mielde geavahit dušše virggis doaibmi olmmoš. Teknikkalaš doaimma áššiid válmmaštallan ja ovdanbuktin eallinfápmo- ja teknikkalaš lávdegottis gáibida, ahte giddodatinšenevra lea virggis. Seammás giddodatinšenevrii boahtá ekonomalaš ovddasvástádus ja namačállinvuoigatvuohta gieldda giddodatáššiin (omd. gieldda

Beavdegirji dárkkisteaddjit:

Eallinfápmo- ja teknihkalaš lávdegoddi	§ 9	09.02.2023
Gielddaráđđehus	§ 37	20.02.2023
Váldostivra	§ 10	06.03.2023

---

giddodagaid šleađga- ja čáhcerhekegat, smávva giddodatháhkamat).  
Lassin gielddas hovdenbargguin doibmet dušše virgeolbmot.

Nuppástusas eai leat váikkuhusat bálkái.

3. Giddodatinšenevra sirdojuvvo gielddainšenevrra virgái dalán go  
váldostivra lea virggi vuodđudeamis mearridan. Sirdimii lea olbmo iežas  
miehtan. Giddodatinšenevrra doaibma heaittihuvvo.

Válmmaštalli ja áššemeannudeaddji gielddahoavda, teknihkalaš  
doaibmasuorggi doaibmasuorgehoavda Taina Pieski.

### **Doaibmasuorgehoavdda evttohus:**

Giddodatinšenevrra bargonamahus rievdaduvvo virggi vuodđudeami  
oktavuođas gielddainšenevran. Giddodatinšenevra sirdojuvvo  
gielddainšenevrra virgái dalán go váldostivra lea virggi vuodđudeamis  
mearridan.

Eallinfápmo- ja teknihkalaš lávdegoddi heaittiha dán maŋŋá  
giddodatinšenevrra doaimma.

### **Mearráduš:**

Uula Tapiola vulggii eret čoaššimis ovdal dán paragrafa gieđahallama  
dmu 17.14.

Dohkkehuvvui evttohusa mielde.

Gr 20.02.2023 § 37

### **Evttohus:**

Gielddaráđđehus evttoha váldostivrii, ahte dat vuodđuda  
gielddainšenevrra virggi.

Dálá giddodatinšenevra lea miehtan sirdásit gielddainšenevrra virgái  
ja son sirdojuvvo dán virgái dalán go váldostivra lea mearridan virggi  
vuodđudeamis. Eallinfápmo- ja teknihkalašlávdegoddi heaittiha dán  
maŋŋá giddodatinšenevrra doaimma.

### **Mearráduš:**

Evttohus dohkkehuvvui.

Váld 06.03.2023 § 10

Beavdegirjii dárkkisteaddjit:

Eallinfápmo- ja teknikkalaš lávdegoddi	§ 9	09.02.2023
Gielddaráđdehus	§ 37	20.02.2023
Váldostivra	§ 10	06.03.2023

---

**Evttohus:**

Váldostivra mearrida vuodđudit gielddainšenevrra virggi.

Dálá giddodatinšenevra lea miehtan sirdásit gielddainšenevrra virgái ja son sirdojuvvo dán virgái dalán go váldostivra lea mearridan virggi vuodđudeamis. Eallinfápmo- ja teknikkalašlávdegoddi heaittiha dán maŋŋá giddodatinšenevrra doaimma.

**Mearráduš:**

Evttohus dohkkehuvvui.

Juohkin

Eallinfápmo- ja teknikkalaš lávdegoddi

Eallinfápmo- ja teknikkalaš lávdegoddi	§ 16	09.02.2023
Gielddaráđđehus	§ 38	20.02.2023
Váldostivra	§ 11	06.03.2023

---

## Ohcejoga luossaguovddáščielggadusa álggaheapmi

## Ealtekig § 16

Ohcejoga gielda lea ožžon riikkabeivviid stáhtaruhtaváljagotti jagi 2023 juohkováriin 150 000 euro ođđa Luossaguovddáža čielggadanbargui. Gažaldat lea golmmajahkásaš sirdinmearreruđas, mii čujuhuvvo Ohcejoga gildii bargo- ja ealáhusministeriija ja Lappi lihtu bokte ng. AKKE-projeaktaruhtadeapmin. Ohcejohka doaimmaha Lappi lihttui vel ohcamuša ja ruhtadeapmi lea geavaheamis dan maŋŋá.

Ohcejoga gielda hálida vuodđudit Luossaguovddáža, mii dorjjošii sihke guovllu eallinfámu ja johkasápmelaš kultuvrra seailuma. Ohcejohka gárttai fáhkkes ráhkadusnuppástusa dillái giđdat 2021 Deanu luossabivdogildosa čuovvumuššan. Gielddus lea joatkašuvvamin juo goalmát geasi, iige luossanáliid ealáskeami boahttevuođa sáhte einnostit.

Luossaturisma leamašan Ohcejoga turismaealáhusa geađgejuolgi ja dehálaš dienas báikkálaččaide. Bivdogildosa negatiivvalaš váikkuhusat guovloekonomiijai leat juoba vihtta miljovvna euro jagis. Lassin gielddus riskere sámi rikkis luossabivdoárbevieru, mii lea leamaš juo máŋga čuođi jagi, sihke dasa laktáseaddji kultuvrralaš ja gielalaš máhtu seailuma.

Luossaguovddáš doaimmašii Deanu luossabivddu ja árbedieđu áššedovdi- ja oktasašbargoorganisašuvdnan sihke álbmotlaččat ja riikkaidgaskasaččat. Guovddáža oktavuhtii lea oaivil ohcat maid oktasašbargoguimmiid dutkan- ja innovašuvdnadoibmii laktásettiin.

Luossaguovddáš sáhtášii doaimmat Deanu luossabivddu áššedovdi- ja oktasašbargoorganisašuvdnan Deanu guolledoalloguvlui ja sierra stáhtahálddahusa doaibmiide ja dutkanlágádusaide. Dat sáhtášii bálvalit ovdamearkka dihte LUKE dutkan- ja oktasašbargodárbbuid sihke doaimmat luossabivddu báikkálaš áššedovdin ovdamearkka dihte guovlohálddahusa organisašuvvnaide nugo ELY-guovddážii.

Luossaguovddáža bargun livččii vurket, ealáskahttit, bisuhit ja ain ovddidit luossabivdoárbevieru ja dan vuodul šaddi ođđa ealáhusaid. Luossaguovddáš bálvalivččii viidát árbedieđu hálddašeaddjiid ja báikkálašservošiid, skuvllaid, turismma, ja gieldda rájaid rasttildeaddji oktasašbarggu.

Ohcejogas leat juo mearkkašahti ollu mávssolaš tinggat, govvamateriála ja jietnabáttit, mat laktásit Deanu guollebivdui. Lassin sierra arkiivvain ja dutkanlágádusain birra Suoma gávdnojit ollu Ohcejoga sápmelaččaid jearahallamat. Luossaguovddáš bálvalivččii

Eallinfápmo- ja teknikkalaš lávdegoddi	§ 16	09.02.2023
Gielddaráđdehus	§ 38	20.02.2023
Váldostivra	§ 11	06.03.2023

---

dán mávssolaš ja rikkis kulturárbbi máhcaheami ja ovdan bidjama Ohcejoga sámeservošiid, ealáhuseallima ja turismma atnui. Čielggadusas váldojuvvo vuhtii maid heivvolaš osiin daid čielggadusaid diehtosisdoallu, mat gielddas leat ovdalis dahkkon.

Luossaguovddáža vuodđudeapmi dorjjošii vuodđolágas meroštallon sápmelaččaid vuoigatvuođa bajásdoallat ja ovddidit guollebivdoárbevrrui laktáseaddji gielaset ja kultuvrraset Deanu bivdoráddjehusas fuolakeahhtá. Luossaguovddáš vástidivččii maid riikkabeivviid vuodđoláhkaváljagotti bealiváldimii (11.5.2022) Deanu guollebivdogildosii guoski láchkaevttohusa gieđahallama oktavuodas:

Stáhtaráđi lea buorre čielggadit, makkár eará doaimmaiguin sámiid vuoigatvuođa bajásdoallat ja ovddidit gielaset ja kultuvrraset sáhtá doarjut ja ovddidit guollebivddu ráddjemis fuolakeahhtá.

Čielggadanprojeavttas dahkkojit plánat, maid vuodul sáhtá ohat ruhtadeami Luossaguovddáža ollašuhhtima várás. Čielggadanbarggus lea oaivil válmmaštallat projektamearreruđaid olis luossaguovddáža barggaid ja rolla, organisašuvdnahámi, oktasašbargoguimmiid, ollašuhhtinvuogi ja bargiid meari sihke vejolaš huksensaji ja sullii árvvoštallon huksengoluid mearreruđaid olis. Čielggadanbargu lea 15.3.2023-28.2.2024. Čielggadanbarggu dárkilut sisdoallu girjejuvvo projektaplánii ja čielggadusa gárvánanáigetávval sáhtá vel dárkkálmuvvat go válmmaštallan ovdána.

Čielggadanbargui välljejuvvo projektahoavda jođihit ja válmmaštallat čielggadanbarggu. Projektahoavdda gelbbolašvuođaeaktun leat bajit akademalaš loahppadutkkus, hárvánupmi projektadoaimmas ja eangalsgiela máhttu. Barggus dárbbášuvvo Deanu luossabivdoárbevriera ja johkasápmelaš kultuvrra dovdamuš sihke fáddái laktáseaddji čanusjoavkkuid dovdamuš. Erenomáš ánsun gehččojuvvo sáme giela čálalaš ja njálmmálaš máhttu sihke juridihkalaš máhttu.

Čielggadanbarggu doarjjan ásahuvvo mánnggasuorggat stivrenjoavku, mas leat ovddasteaddjin gielddaráđdehusa nammadan olbmot/olmmoš, árbevirolaš guollebivddu, sámemusea sihke guollebivdui laktáseaddji dutkan-, ovddidan- ja innovašuvdnadoaibmasuorgi nugo LUKE ja Geavu dutkanstašuvdna. Stivrenjovkui gullet virgeolbmui gielddahoavda, eallinfápmohoavda ja projektahoavda, guhte doaibmá maid stivrenjoavkku čállin.

#### **Evttohus:**

Luossaguovddáža čielggadanprojekta álggahuvvo nu mo doarjjamearrádusas meroštallo. Čielggadanprojekta biddjo

Eallinfápmo- ja teknikkalaš lávdegoddi	§ 16	09.02.2023
Gielddaráđđehus	§ 38	20.02.2023
Váldostivra	§ 11	06.03.2023

---

hálddahušlašat eallinfámu doaibmasuorgái goit nu, ahte gielddahoavda doaibmá projeavtta vástuolmmožin.

Evttohuvo gielddaráđđehussii, ahte Luossaguovddáža čielggadanprojektii ásahuvo stivrenjoavku gielddaráđđehusa mearrádusain. Fápmuduvvo gielddahoavda dahkat evttohusa mánggasuorggat stivrenjoavkku čoahkus.

Fápmuduvvo gielddahoavda välljet Luossaguovddáš-čielggadussii projeaktahoavdda áigodahkii 15.3.2023-28.2.2024 ja mearridit gieldda bálkááššeolmmožin projeaktahoavdda bálkkás.

#### **Mearrádus:**

Mirjami Kinnunen vulggii eret čoahkkimis dán paragrafa giedahallama áigge dmu 19.13.

Dohkkehuvvui evttohusa mielde.

Gr 20.02.2023 § 38

#### **Evttohus:**

Luossaguovddáža čielggadanprojeakta álggahuvo nu mo doarjjamearrádusas meroštallo. Čielggadanprojeakta biddjo hálddahušlašat eallinfámu doaibmasuorgái goit nu, ahte gielddahoavda doaibmá projeavtta vástuolmmožin.

Gielddaráđđehus mearrida ahte Luossaguovddáža čielggadanprojektii ásahuvo stivrenjoavku. Fápmuduvvo gielddahoavda dahkat evttohusa mánggasuorggat stivrenjoavkku čoahkus.

Gielddaráđđehus fápmuda gielddahoavda välljet Luossaguovddáš-čielggadussii projeaktahoavdda áigodahkii 15.3.2023-28.2.2024 ja mearridit gieldda bálkááššeolmmožin projeaktahoavdda bálkkás.

Gielddaráđđehus evttoha váldostivrii, ahte Luossaguovddáš-čielggadanprojektii miedihuvvo lassemearruhta jahkái 2023 manut 120.000 euro, boađut 120.000 euro, netto 0 euro eallinfámu bušehtii projeaktanummárii, mii rahppo projektii. Jagi 2024 ossodat váldojuvvo vuhtii boahte bušeaha ráhkadettiin.

#### **Mearrádus:**

Eallinfápmo- ja teknihkalaš lávdegoddi	§ 16	09.02.2023
Gielddaráđđehus	§ 38	20.02.2023
Váldostivra	§ 11	06.03.2023

---

Evttohus dohkkehuvvui.

Lassin mearriduvvui ovttamielalaččat, ahte gielddaráđđehus nammada ovddasteaddji stivrenjovkui čuovvovaš čoahkkimis.

Váld 06.03.2023 § 11

**Evttohus:**

Váldostivra mieđiha lassemearreruđa Luossaguovddáš-čielggadanprojektii jahkái 2023 manut 120.000 euro, boadut 120.000 euro, netto 0 euro eallinfámu bušehtii projeaktanummárii, mii rahppo projektii. Jagi 2024 ossodat válđojuvvo vuhtii boahhte bušehta ráhkadettiin.

**Mearráduš:**

Evttohus dohkkehuvvui.

Juohkin

Eallinfápmo- ja teknihkalaš lávdegoddi

Eallinfápmo- ja teknihkalaš lávdegoddi	§ 13	09.02.2023
Gielddaráđdehus	§ 39	20.02.2023
Váldostivra	§ 12	06.03.2023

---

## Ohcejoga Master Plan -projeavtta ohcan

11/00.01.05/2023

## Ealtekig § 13

Ohcejoga gieldda ekonomalaš dilli lea duođaid váttis ja einnostusaid mielde boahá joatkašuvvat dakkárin guhká. Vai gielda ceavzá, galgá dat bastit lasihit buot vearroboahitošlájaid: Dienasboahtovearu, giddodatvearu ja searvvušvearu. Ohcejoga ealáhusdoaimma lea árbevirolaččat vuodđuduvvan nana rádjegávpái, turismii ja boazoealáhussii. Turisma lea vuodđuduvvan erenomážit Deanu luossabivdui. Sihke rádjagávpi ja turisma leat gillán korona ja Deanu bivdogildosa dagahan ráhkadusnuppástusa váikkuhusain. Korona áigge oidnui maid viidasabbot Lappi boazodoalloguovllus turismma ja boazodoalu nana oktavuoha. Jagis 2019 dáhpáhuvvun turismma bissáneapmi geahpedii sakka bohccobierggu jođu.

Mii Ohcejogas leat jo guhká oaidnán, ahte boahhtevuođa ealáhus lea suvdilis turisma. Mii leat ádden, ahte min luonddu ja sajadaga árvi lea turismii mearkkašahtti luossabivddu lassin. Dán kriisadilis gielddas lea dahkkon analysa ealáhusaid ovdáneami vejolašvuodain. Lea áddejuvvon, ahte positiivvalaš ekonomiijaovdáneapmái dárbbášuvvojit gielddas aktiivvalaš doaimmabijut. Árvvoštallamis nanosmuvai oaidnu, ahte turisma lea doaimmasuorgi, mas lea eanemus dakkár potentiála, mas oažžu oppalaš eallinfámu guvlui. Turismma ovdáneamis lea positiivvalaš váikkuhus buot gielddavearuhusa hámiide ja dat dárbbáša valjis bálvalusaid eará doaimmasurggiin, mat sáhttet ovdánit raddálagaidda turismmain. Bálvalusfálaldaga lassin johtu boahá maid ovdamearkka dihte ođđa viessobuvttadeapmái, mii fas vástidivččii guovllu viessodárbui. Go turisma ovdána, dat lasiha iešguđetlágan bálvalusaid fálaldaga maidái báikkálaš ássiide lasihemiin ná guovllu oppalaš geasuhusa ja eallinfámu. Guovllu eallinfámu lassáneami sáhtá einnostit ovddidit maid báikkis sorjjasmeahtun fitnodagaid sajáiduvvama guvlui. Turismmas leat maid vejolašvuodát ovdánit buot golmma gilis.

Ohcejogas leamašan mañimus guovtti jagi áigge mánga projeavtta, mat laktásit fáhkkes ráhkadusnuppástussii. Daiguin lea geahččaluvvon ohcat vugiid ođđa ealáhusaid ovddideapmái. Sámi kulturárbbi nannen -projeakta nogai 31.12.2022 ja eará projeavttat nohket borgemánus-golggotmánus 2023. Dušše Teno Outdoor -sihkkelastinturismaprojeakta joatkašuvvá giđđadálvá 2024. Maidái dán projeavttain dahkkon bargu lea nannen áddejumi turismmas boahhtevuođa guovddáš ealáhussan Ohcejogas.

Turisma ii sáhte lassánit ja ovdánit dušše gieldda doaimmaiguin ja gieldda resurssaiguin. Dárbbášuvvo čanusjoavkkuid nana

Eallinfápmo- ja teknikkalaš lávdegoddi	§ 13	09.02.2023
Gielddaráđdehus	§ 39	20.02.2023
Váldostivra	§ 12	06.03.2023

oasálašvuohta ja čatnaseapmi ovttas sohppojuvvon ulbmiliidda sihke servoša sosiálalaš dohkkeheapmi. Ohcejoga turismma ovdáneami várás lea dárbu dihtui vuodđuduvvi turismma Master Planii, man gárvvisteapmái lea oassálaston viidát. Dákkár prográmmas guovddáš doaimmat leat ee.

- Dálá dili analysa ja boahttevuhitii guoski oainnut
- Turismma treanddaid reflekteren ja benchmark-galledeami Ohcejoga turismma perspektiivvas
- Analysa Ohcejoga turismma potentiálas
- Turismma ovdáneami ulbmiliid meroštallan
- Guovlluideavaheami plánen - Ohcejoga turismma doaibmabidjoprográmma čohkken
- Sierra doaibmiid gaskasaš oktasašbargomálla gárvvisteapmi
- Guovllu turismafitnodagaid buvttavuođideami doarjun.

Master Plan vehkiin Ohcejoga turismma ovdáneapmi vuodđuduvvá ovttas sohppojuvvon njuolggadusaide. Ovddideapmi gáibida gillilvuođa ja sierra ruhtadeaddjit oidnet guovllu dás ovddos beroštahti báikin. Projeakta boahtá oasiltis ollašuttit ođđa gielstrategiija ja eanapolitiikalaš prográmma. Projeavttas gárvvistuvvon Ohcejoga turismma Master Plan buktuvvo váldostivrii gieđahallanláhkai.

Lappi lihttu juolluda AKKE-ruhtadeami oanehisáigge ovddidan-, iskkadallan- ja čielggadanprojeavttaide, mainna ohcat ođđa čovdosiid dahje válmmaštallat stuorát ovddidanollisvuodaid. Ohcanláhkai submi sáhtá leat 80 000 euro ja das ohcci iešruhtadanoassi lea 20 proseantta. Čuovvovaš ohcan nohká 22.2. Submi dahká vejolažžan bajábealde govviduvvon barggu ollašuttima.

AKKE-ruhtademiin sáhtášii ohcat Ohcejoga turismma Master Plan -projeavtta, mii dahkkojuvvošii oastobálvalusháhkamiin. Projeakta bistášii 1.6.2023- 31.5.2024.

### **Eallinfápmohoavdda evttohus:**

Gielda ohcá Lappi lihtus 22.2. rádjai projeavtta Ohcejoga turismma Master Plan -projeavtta ollašuttimii. Projeavtta ollašuttináiigi 1.6.2023-31.5.2024. Projeavtta ollesbušeahhta lea 80 000 euro ja dan iešruhtadanoassi lea 20 % dahjege 16 000 euro. Ohcamuša oktavuhtii dahkko projektaplána, mii doallá sisttis bajábealde máinnašuvvon temáid. Projeakta dahkkojuvvo oastobálvalussan, go fas eallinfámu doaibmasuorgi vástida projeavtta hálddahušlaš bargguin ja projeavtta diehtujuohkimis.

Eallinfápmo- ja teknikkalaš lávdegoddi evttoha gielddaráđdehussii ja ain váldostivrii lassemearreruđa projeavtta iešruhtadeami gokčama várás 16 000 euro projeavtta kontui eallinfámu bušehttii.

Ohcejoga gielda		Beavdegirji	2/2023	20
Eallinfápmo- ja teknihkalaš lávdegoddi	§ 13	09.02.2023		
Gielddaráđdehus	§ 39	20.02.2023		
Váldostivra	§ 12	06.03.2023		

---

**Mearrádus:**

Dohkkehuvvui evttohusa mielde.

Gr 20.02.2023 § 39

**Evttohus:**

Gielddaráđdehus dohkkeha ja evttoha ain váldostivrii dohkkehanláhkai lassemearreruđa Ohcejoga Master Plan -projektii manut 32.100, boadut 25.680, netto 6.420 euro projeaktanummirii, mii rahppo projektii eallinfámu bušehtii. Jagi 2024 ossodat váldo vuhtii boahhte bušeahta ráhkadettiin.

**Mearrádus:**

Evttohus dohkkehuvvui.

Váld 06.03.2023 § 12

**Evttohus:**

Váldostivra juolluda lassemearreruđa Ohcejoga Master Plan -projektii manut 32.100, boadut 25.680, netto 6.420 euro projeaktanummirii, mii rahppo projektii eallinfámu bušehtii. Jagi 2024 ossodat váldo vuhtii boahhte bušeahta ráhkadettiin.

**Mearrádus:**

Evttohus dohkkehuvvui.

Juohkin

Eallinfápmo- ja teknihkalaš lávdegoddi

Eallinfápmo- ja teknikkalaš lávdegoddi	§ 19	09.02.2023
Gielddaráđdehus	§ 40	20.02.2023
Váldostivra	§ 13	06.03.2023

Lassemearruhta Sami Game Jam -projektii

53/02.02.00/2022

Ealtekig § 19

Eallinfápmo doaimmasuorgái lea juolluduvvon jagis 2021 ruhtadeapmi Sami Game -projektii Ovtastuvvan stáhtaid ambassáda Small Grants (Yhdysvaltojen suurlähetystön Small Grants) -prográmmas. Prográmma ulbmilin lea doarjut erenoamážit nuoraide guoskevaš doaimma ja Ovtastuvvan stáhtaid ja Suoma gaskavuodaid. Ruhta lea juolluduvvon 20 000 dollára ja dan ulbmilin lea nannet sámiid ja Ovtastuvvan stáhtaid eamiálbmogiid oktasašbarggu. Ruhtademiin ollašuttuuvvojit speallandáhpáhusat fierpmis. Projeakta vuodduuvvá jagiid 2015–2018 Ohcejoga Áilegas-guovddážis lágiduvvon speallandáhpáhusaide. Projeavtta ollašuttináiigi lei álgoálgosaš projeaktaplánas jahki 2022, muhto koronapandemijja geažil projeavtta ollašuttimii ohccojuvvui nuppástusohcamušain lassíagi geasi 2023 rádjai.

Dán rádjai projeakta lea ordnen guokte bargobaji jagis 2023. 3.-5.1.2023: Interactive storytelling with Twine ja Game design with Bitsy. Bargobájit lágiduvvojedje oktan ollisvuohtan. Jagis 2023 lea dán lassin ulbmil ordnet velá guokte bargobáji: Imagining Indigenous Worlds with Unity ja 7th Gen Tech Design with Blender.

Ruhtadeaddji lea dán rádjai juolludan ruhtadeami 10956 euro. Das lea geavahuvvon 3930 euro. Projeaktabušeahtha ruđas lea geavatkeahhtá velá 14310 euro. Mearreruđa galgá ohcat ruhtadeaddjis dollára mielde, mii máksojuvvo ohccái beaivvi kurssa mielde. Dan dihte loahpalaš ohccojuvvon euromearri lea árvalus. Dollára kurssa gerddonin lea dás geavahuvvon 2.2.2023 kurssa vástideaddji lohku 0,91 buot eará loguid oasil baicce jo juolluduvvon 10956 euro oasil, mii lea nuppástuhtton euro mearrin máksinbeaivve fámus orron kurssa mielde.

Sami Game Jam lea báhcán vuhtii válddekeahhtá jagi 2023 eallinfámu bušeahhtaárvalusas. Vai projeakta sáhtá ollašuvvat plána mielde, galggašii eallinfápmo doaimmasuorgi ohcat jahkái 2023 mearreruhtabadjelmannama 14310 euro, mii čujuhuvvo eallinfámu projeavttaid goasttádusbáikái, Sami Game Jam -projektii.

### **Eallinfápmo doaimma evttohus:**

Lávdegoddi evttoha gielddaráđdehussii ja ain váldostivrii lassemearruđu: manut 14310 euro, boađut 14310 euro, netto 0 bajábealde ovdanbuktojuvvon jagi 2023 doaimmabijuid ollašuttima várás.

Eallinfápmo- ja teknihkalaš lávdegoddi	§ 19	09.02.2023
Gielddaráđđehus	§ 40	20.02.2023
Váldostivra	§ 13	06.03.2023

---

**Mearráduš:**

Dohkkehuvvui evttohusa mielde.

Ságadoalli loahpahii čoahkkima dmu. 19.20.

Gr 20.02.2023 § 40

**Evttohus:**

Gielddaráđđehus dohkkeha ja evttoha ain váldostivrii dohkkehanláhkai lassemearreruđa Sami Game jam -projektii manut 14310 euro, boadut 14310 euro, netto 0 bajábealde ovdanbuktojuvvon jagi 2023 doaibmabijuid ollašuhttima várás.

**Mearráduš:**

Evttohus dohkkehuvvui.

Váld 06.03.2023 § 13

**Evttohus:**

Váldostivra miediha lassemearreruđa Sami Game Jam -projektii jahkái 2023 manut 14310 euro, boadut 14310 euro, netto 0 euro bajábealde ovdanbuktojuvvon jagi 2023 doaibmabijuid ollašuhttima várás.

**Mearráduš:**

Evttohus dohkkehuvvui.

Juohkin

Eallinfápmo- ja teknihkalaš lávdegoddi

Gielddaráđdehus	§ 46	20.02.2023
Váldostivra	§ 14	06.03.2023

---

SámiSoster Rs bivdda searvvi doaimma doarjumis

Gr 20.02.2023 § 46

SámiSoster rs lea jagis 1997 vuodđuduvvon riikkaviidosas šápmelaččaid sosiála- ja dearvvasvuodasuorggi searvi. SámiSoster rs ordne sáme- ja/dahje suomagielat veardásašdoarjaga, leirraid, dáhpáhusaid, buresveadjinbeivviid, joavkodoaimmaid, áššedovdilogaldallamiid, ovddidandoaimmaid ja sohka buolvvaid gaskasaš ovtastallama.

SámiSoster Rs ohcá Ohcejoga gielddas doaimmadoarjaga 6000 euro vai sáhtá joatkit diibmá bures johtui vuolgán Birgen Ruovttus doaimma Ohcejogas jagis 2023.

Ohcejoga gielda ii leat ovdal dorjon njuolga ruđalaččat searvvi doaimma dego eará Sáme guovllus gielddat. Ohcejoga gieldda sosiálabargiid bargoaigi leat goit čujuhuvvon SámiSoster dáhpáhusaide ee. boarrásiid- ja bearašbarggus. Eará gielddaid mearran doarjja SámiSosterii:

- Eanodat: 6000 e/j
- Soađegilli: 6000 e/j
- Anár: 8000 e/j

Birgen Ruovttus doaimma ulbmilin lea nannet ja ovddidit agáiduvvi ja ahkeolbmuid ja maid oapmahašdikšuid buresveadjima. Doaimma bokte láhčit vejolašvuodaid ja eavttuid olbmuid oasálašvuhtii ja jierpmálaš dahkamii vuollegis šielmmá deaivvadanbáikkiin, joavko- ja oktagasdoaimmain.

Eará gielddain, baicce Ohcejogas, doaimmá vuollegis šielmmá deaivvadanbáiki. Ohcejogas doaimmá ng. johtti deaivvadanbáiki. Čoahkkaneamit leat Gáregasnjárggas gilidállu Sáivvus, Ohcejoga girkosiiddas searvegoddedálus ja Njuorggámis rohkosviesus. Čoahkkaneamit leat leamaš vahkkosaččat.

Buot njealji gielddas doibmii gullá maid searvvi ollašuttin bargu, áššehasa luhtte ruovttusfitnan, man čuožáhatjoavkun leat buorrásat, geain lea váttis oassálastit joavkodoibmii dahje dárbašit persovnnalaš oahpisteami bálvalusaid ohcamii/ geavaheapmái jna. Oapmahašdikšuid joavkodoaimma lea Eanodagas ja Ohcejogas.

Ohcejogas gaskkat leat guhki ja doaimma lea oppa gieldda guovllus. Mátkegolut bohtet ollu. Justa Ohcejogas dárba lea stuoris. Jagis 2022 joavkkut leat čoahkkanan 63 háve ja sáme kultuvrii guoskevaš servodatlaš dáhpáhusat ledje 30. Oassálastit j. 2022 leamašan 684. Oapmahašdikšuid joavkkus lea leamaš 11 oapmahašdikšu ja joavku lea čoahkkanan 7 háve/j ja dán lassin oapmahašdikšut oassálaste searvvi lágidan oapmahašdikšuid leirii.

Gielddaráđdehus

§ 46

20.02.2023

Váldostivra

§ 14

06.03.2023

---

Oassálastiid mearri lea lassánan Ohcejogas ovddit jagiid ektui ja bohtosat olbmuid árggas leat hui posiitivvalaččat ee. searvvušlašvuodadovdu ja veardásašdoarjja leat nannon, diehtjuohkin, sámegiela geavahus doaimmas vásihuvvo illu áššin. Ohcejogas doaimma leage ollásit sámegillii.

Sámeguovllu eará gielddat leat lohpidan ruhtadit jagi 2023 searvvi doaimma, dassáži go buresveadjinguovlu fidne gárvisin searvvi doarjjamálle boahtte jahkái. Riikkaviidosaš ja guvllolaš sode-suorggi organisašuvnnaid ja servviid doarjjadoaimma gullá buresveadjinguovllu ovddasvástádussii. Gielddat ovddasvástidit báikkálaš sode-servviid doarjagiin nu hálidettiin.

**Evttohus:**

Gielddaráđdehus addá vuoigatvuođa gielddahovdii ruhtadančovdosis ráđđádallat. Gielddaráđdehus mearrá evttohit váldostivrii, ahte Ohcejoga gielda mieđiha eanemustá 5000 euro háválás doarjaga SámiSoster Rs:i jahkái 2023. Mearreruhta čujuhuvvo čuvgehusdoaimma mearreruđaide.

**Mearráduš:**

Evttohus dohkkehuvvui.

Váld 06.03.2023 § 14

**Evttohus:**

Váldostivra mieđiha eanemustá 5000,00 euro lassemearreruđa čuvgehusdoaimma bušehttii jahkái 2023 SamiSoster Rs doaimma doarjumii.

**Mearráduš:**

Merkejuvvui beavdegirjái, ahte Jouni Esa Nousuniemi almmuhii iežas leat easttalaš ášši gieđahallamii, iige oassálastán mearrádušdahkamii.

Evttohus dohkkehuvvui.

Juohkin

Čuvgehuslávdegoddi

Čuvgehuslávdegoddi	§ 15	01.02.2023
Gielddaráđđehus	§ 32	20.02.2023
Váldostivra	§ 15	06.03.2023

Kohtaamisilla hyvinvointia 2- Ohcejoga skuvlanuoraidbargu -projekta

3/12.05.02/2023

Čuvglg 01.02.2023 § 15

Astoáigedoaimma lea fidnen Lappi AVI:s 34 000 € doarjaga skuvlanuoraidbargi bálkáheami várás Ohcejohkii. Doarjaga geavahanáigi lea 1.1.2023-31.12.2024. Projeavtta iežasvástuoassi lea 10 % ja ollašuvvan oppalašgoasttádušat galget leat unnimustá 37 777,78 euro. Doarjagiin sáhtá bálkáhít skuvlanuoraidbargi gildii sullii jahkái. Skuvlanuoraidbargi bálkáhuvvošii 1.8.2023 rájes, ná son livččii barggus 2023-2024 lohkanjagi lohppii ja geassit 2024.

Golluárvoštallan projektii lea 37 778 euro, gieldda iežasvástuoassi lea 3778 euro. Jagi 2023 iežasvástuoasi 1 574 €, sáhtá sirdit projeavtta várás nuoraiddoaimma geavahanruhtadoalus.

	Jahki 2023	Jahki 2024	Oktiibuot
Boađut	14 167 €	19 833 €	34 000 €
Manut	15 741 €	22 037 €	37 778 €
Netto	-1 574 €	-2 204 €	-3 778 €

Ášši válmmaštallai astoáigečáli Kaisa Tapiola-Länsman.

#### **Evttohus:**

Čuvgehuslávdegoddi evttoha gielddaráđđehussii ja ain váldostivrii

1. lassemearreruđa miediheami Kohtaamisilla hyvinvointia 2- Ohcejoga skuvlanuoraidbargu -projektii válmmaštallama mielde jahkái 2023,

2. miediha projektii álggahanlobi ja projeavtta várás vuodđuduvvo gollosadji,

3. jagi 2023 oasil projeavtta iežasvástuoassi 1574 €, sirdojuvvo nuoraiddoaimma geavahanruhtadoalus,

4. jagi 2024 oasil projekta válđo vuhtii bušeahta ráhkadeamis

Čuvgehuslávdegoddi mearrida, ahte jos váldostivra miediha projektii lassemearreruđa, skuvlanuoraidbargi mearreáigásaš doaimma áigodahkii 1.8.2023-31.7.2024 biddjo rabas ohcamii váldostivrra mearrádusa maŋŋá.

Beavdegirjii dárkkisteaddjit:

Čuvgehuslávdegoddi	§ 15	01.02.2023
Gielddaráđdehus	§ 32	20.02.2023
Váldostivra	§ 15	06.03.2023

---

**Mearrádus:**

Mearrádus evttohusa mielde.

Gr 20.02.2023 § 32

**Evttohus:**

Gielddaráđdehus evttoha váldostivrii dohkkehanláhkaí lassemearreruđa Kohtaamisilla hyvinvointia 2 – Ohcejoga skuvlanuoraidbargu -projektii manut 15741 €, boadut 14167 €, netto 1574 €. Nettooassi gokčojuvvo nuoraidoaimma geavahanruđain. Jagi 2024 oasil projeakta vuhtiiváldo bušehta ráhkadettiin.

**Mearrádus:**

Evttohus dohkkehuvvui.

Váld 06.03.2023 § 15

**Evttohus:**

Váldostivra mieđiha lassemearreruđa Kohtaamisilla hyvinvointia 2 - Ohcejoga skuvlanuoraidbargu -projektii manut 15741 €, boadut 14167 €, netto 1574 €. Nettooassi gokčojuvvo nuoraidoaimma geavahanruđain. Jagi 2024 oasil projeakta vuhtiiváldo bušehta ráhkadettiin.

**Mearrádus:**

Evttohus dohkkehuvvui.

Juohkin

Čuvgehuslávdegoddi

Áššit diehtun

Váld 06.03.2023 § 16

**Mearrádus:**

Eai lean.

**Nuppástusohcangildosat**

<b>Gildosiid vuđđosat</b>	Čuovvovaš mearrádusain ii gielдалága 136 § mielde oaččo dahkat geldaváidaga, daningo mearrádus guoská dušše válmmaštallamii dahje ollašuttimii: Paragráfat: 6, 7 ,8, 16
	Hálddahuslágageavahanlága (HallintolainkäyttöL) 5 § / eará lánkaásahusa mielde čuovvovaš mearrádusaide ii oaččo ohcat nuppástusa váidagiin: Paragráfat ja váidingildosiid vuđđosat

**Váiddačujuhus**

<b>Váiddavirge- oapmahaš ja váidináigi</b>	Čuovvovaš mearrádusaide sáhtta ohcat nuppástusa čálalaš váidagiin. Váiddavirgeoapmahaš, čujuhus ja poastačujuhus	
	Pohjois-Suomen hallinto-oikeus Uksačujuhus: Isokatu 4, Oulu E-poasta: pohjois-suomi.hao@oikeus.fi Poastačujuhus: PL 189, 90101 OULU E-poasta: pohjois-suomi.hao@oikeus.fi	
	Gielddaváidda, paragráfat 9, 10, 11, 12, 13, 14, 15	Váidináigi 30 beaivvi
	Hálddahusváidda, paragráfat	Váidináigi <input type="text"/> beaivvi
Eará váiddavirgeoapmahaš	Paragráfat	Váidináigi <input type="text"/> beaivvi
		<input type="text"/>
		<input type="text"/>
Váidináigi álgá mearrádusa diehtunoažžumis. Váidináigi rehkenasttedettiin diehtunoažžunbeaivi ii váldojuvvo lohku.		

<b>Váiddagirji</b>	<p>Váiddagirjii galgá boahitit ovdan</p> <ol style="list-style-type: none"> <li>1. váidi namma, ruoktogielda, poastačujuhush ja telefonnummir</li> <li>2. mearrádus, masa ohcá nuppástusa</li> <li>3. main osiin mearrádusas váidá ja nuppástus, man dasa gáibida dahkat</li> <li>4. nuppástusgáibádusa ákkat</li> </ol> <p>Váiddagirji galgá váidi dahje váiddagirji eará ráhkadeaddji vuolláičállit. Jos dušše ráhkadeaddji lea vuolláičállán váiddagirji, de das galgá máinnašit maiddái ráhkadeaddji nama, ruoktogieldda, poastačujuhusha ja telefonnummira.</p> <p>Váiddagirjái galgá laktit mearrádusa, mas váidá, álgoálgosažžan dahje kopiijan sihke duođaštusa das man beavve mearrádus lea addojuvvon diehtun dahje eará čielggadusa váidináiggi álginaiggi</p>
<b>Váiddaáššegirjiiid doaimmaheapmi</b>	<p>Váiddaáššegirjiiid galgá doaimmahit váiddavirgeoapmahažžii ovdal váidináiggi nohkama. Jos váidináiggi maŋimus beaivi lea bassebeaivi, iehčanasvuodabeaivi, válborebeaivi, juovla- dahje mihcamáruohtta dahje árgalávvardat, oažžu váiddaáššegirjiiid doaimmahit váiddavirgeoapmahažžii vuosttas árgabeaivve dan maŋŋá. ležas ovddasvástádusain váiddaáššegirjiiid sáhtá sáddet poastta dahje áirasa mielde. Postii váiddaáššegirjiiid berre guođdit dan mađi áiggil, ahte dat ollejit mearrái váidináiggi maŋimus beavve ovdalgo virgedoaimmahat giddejuvvo.</p> <p>Váiddaáššegirjiiid sáhtá doaimmahit maid: namma, čujuhush ja Paragrafat poastačujuhush</p> <p>Váiddaáššegirjiiid galgá doaimmahit 1): namma, čujuhush ja Paragrafat poastačujuhush</p>
<b>Lassedieđut</b>	<p><b>Dárkilis váiddačujuhush laktojuvvo beavdegirjeváldosii.</b></p>